

YÈ DØ DØDAI WENDAGBELILA TQN

Isaia 40:1-31; 52:7-10; Matiu 3:1-3; 11:2-15

NUPINPLQN 352 – NA MËHO LË

NupinplQN Do Tamë: "Podø yè na sø døyewheho wëndagbe ahòludu tòn he lë to aigba fininø lèpo më na okunnude hlan akota lèpo; whenuen wë opodo na wá" (Matiu 24:14).

I Devizón Ewø He Wá Jenukòn Na Klisti Tòn

1. Yè do owèn homemimion tòn, ehe yè dø to dødai më hlan Isaeli: Isaia 40:1,2.
2. Johanu Baptizi wë mëhe na wá jenukòn na OklunQ nado lá wiwá Etòn: Isaia 40:3; Malaki 3:1; Matiu 3:1-3; Malku 1:1-3; Luku 1:13-17; Johanu 1:19-30.
3. Wiwá Johanu tòn wë nado dø dogbon ojlé yóyó he yín Wëndagbe tòn dali: Isaia 40:4-8; Matiu 3:5-12; 11:2-15; Malku 1:4-8; Luku 1:57-80; 3:7-18; Johanu 1:30-37.

II Ojlé Wëndagbe Tòn Podø Le E Na Yì Do

1. Na le e ko yín do dø ojlé vude wë aihon he tin na, dandan wë nado lá Wëndagbe pé: Isaia 40:6-8; 1 Pita 1:24,25.
2. Nuzinzán Jihwéywhe tòn na Wëndagbelilá wë agùn Etòn, e sø do na gó na azón lò po vivenu po, po zohùnhùn ayiha më tòn po: Isaia 40:9-11; 52:7-10; Johanu 4:35; Ovalo Aposteli lè tòn 1:8; 1 Kòlintinu lè 9:19-22; Jakòbu 5:20; Juda 23.
3. Yè do pipe huhlòn Jihwéywhe tòn, po ma yín núde gbètø tòn po hia: Isaia 40:12-17; 43:13; Osòhia 19:6; 1 Otànnugbo lè 29:12; Job 26:12; Psalm 115:3; Matiu 19:26.
4. Yè hèn ovalo vodùnsinsèn tòn po goyiyí gbètø tòn po zùn ovó: Isaia 40:18-24; Danièli 4:37; 1 Samuèli 5:1-12.
5. Yé dø dogbon gigo Jihwéywhe tòn po otódido yisenø tòn po dali: Isaia 40:25-31; Psalm 19:1-14; 89:6; 73:25.

OTADENA

E sqawuhia gbangba to yewhehò Isaia tòn më to whedenu dø Isaeli tolivetø wë e to wiwó hé, to whedevonu aihon lèpo wë yè dø yewhehò he hunzo helø hlan, whenuena mí yönèn dogbon gbigbø do mémë Ohó Jihwéywhe tòn tòn dali dø jijedoeji owé Isaia tòn ota kande (40) lò yín dødai dogbon wiwá Johanu Baptisti tòn dali, mí sogan dø po adògbigbo po dø pipotø ota owé lò tòn yín dopo to Ohó akuegégénu tòn më ehe yè dø yewhehò etòn hlan aihon lèpo më he to Wëndagbe po wiwá Messia tòn po lá. Mëhe wutu yè dø Johanu hlan nado vó alihò Etòn jlado.

Ohó Homejlado Tòn

Yè jé owé Isaia tòn ota kande (40) ji po ohó homejlado tòn po hlan Jelusalém po Jû lè po, to ohó helø ji dø eyín yé sogan yí Jesu Klisti këdèdi Messia yetòn; sigba aihon lèpo yönèn dø Jû lèpo to kòndopø më gbé Ovi Jihwéywhe tòn whenuena E wá aihon më. Na Jû lè gbé ohó homejlado tòn lò dai wutu, yèdø Wëndagbe lò yè hèn èn yì kosi lè de, ehe ko hèn alindòn mado hihia biò Ahòludù Klisti tòn më, bo yé ko sò mò homejlado ojona yando tòn yí podø huhlòn nado nò ogbèzán mado yando tòn më to aihon he më podø ga po otódido ogbè madopodo tòn po, po Jihwéywhe po.

Ojlé ja, to madènmë, whenuena Jû lè na mò awusòhia Jesu Klisti tòn whenuena E na légò ja aihon më nado zé Ofin Ahòludù tòn dai to ehe më E na duahòlu te to dòdò po huhlòn po më te na ohwè fòtòn (1.000). To azán lò gbe Jû he tin to ogbè lèpo na gbé atèşishi yetòn dai, yé na sò këalò yí Jesu këdèdi Messia yetòn. To azán lò gbè mí sogan dø to nugbo de më dø: "Mì dø ohó homemion tòn hlan Jelusalém, bo dahwá hlan èn, dø awhànfùnfùn etòn vò, yè sò jo yando etòn nè na e ko mò yí do ogbè aweji sòn alò OKLUNQ tòn më na yando etòn lèpo" (Isaia 40:2). Eyín Jû lè ko yí Jesu Klisti na Messia yetòn, yé ma

do ko jiya awuvènamé po homékèn he yé ko doakònna sòn ojlé né lè mè gbòn, awubò Jihwéyewhe tòn wé na ko yín mimá yeton.

Nugbo dopo he wé to hókona ayiha kosi lè tòn dopodopo to egbé he. Ohó Jihwéyewhe tòn sogan yín núzinzán hlan ogbè madopodo kavi núzinzán hlan vivàsúdo alindòn tòn. Ewò he gbé nado sèn Klisti bo sò gbé nado sètonu hlan Ohó Jihwéyewhe tòn to tukla alopalopa dòn do ede ji to aihon mè, eyín e sò téshi ovalo atéshi eton tòn helò mè, e na jiya to olonzo madopodo mè; sigba ewò he sèn Klisti sòn ayiha eton lèpo mè, wé yè na yí opagbe ogbè dinvie tòn po aihon he ja tòn po na. Aihon lèpo wé Jihwéyewhe do owèn homémimiòn tòn hlan, sigba e na yín hlan mèhe yí i lè kédè tòn.

Gbigbò Po Huhlon Elija Tòn Po

"Dayi e go, yen na do Elija yewhegán lò hlan mì whépo azán daho osinò OKLUNÒ tòn lò nado wá" (Malaki 4:5). Whenuena Jesu to didò dogbòn otódido Jû lè tòn dali, E dò dole dò: "Sigba yen dò hlan mì dò, Eli lò ko wá, yé ma sò yönèn, sigba bo wà onú depope he yé jlo do e. Yèdò mokèdè ga wé Ovi gbètò tòn na jiya sùsù sòn yé de. Whenènu wé nuplontò lè tunwun dò Johanu Baptisti tòn dò hlan yé wé E te" (Matiu 17:12,13). Angeli né dò dòdai dogbòn Johanu dali dò: "Gbigbò po huhlon Eli tòn po wé E na yí do nukòn nè nado lè ayiha otò lè tòn hlan ovi lè de, podò tolivètò lè nado nò zinzonlin to nyuñonèn dódónò lè tòn mè, nado wléawu gbètò lè de tòn dote dai na Oklunò" (Luku 1:17).

Etèwutu wé e do yín gbigbò po huhlon Elija tòn po? Elija yín nukònnotò yewhegán Alènu Hóhòwhenu tòn lè tòn, kédèdile Moše ko yín nukònnotò Osén tòn do. Le Johanu ja to huhlon po gbigbò nukònnotò yewhegán lè tòn tòn po mè, e tin to otèn ogándùdù de tòn mè le e yín omè godo tòn to yewhegán Alènu Hóhò tòn lè mè mokèdè ga wé e sò yín jijedoeji Alènu Yóyó tòn do. "Osén po yewhegán lè po tin kaka jé Johanu whenu; sòn ojlé né mè gbòn wé yè to yewhehó Ahòludù Jihwéyewhe tòn tòn dò, omè dopodopo sò yí vivènu do to e mè biò" (Luku 16:16).

Gbigbò dopolo he Elija tindo wé to didò Johanu Baptisti, devizón wiwà yeton sò dibla yín dopolo nado lè ayiha ovi Islaeli tòn lè tòn do Jihwéyewhe yeton de. Elija hodè do le dò: "OKLUNÒ E, siò mi, siò mi, na omè helé nido yönèn dò hié, OKLUNÒ, wé Jihwéyewhe, podò hié ko sò vò ayiha yeton lègò do godo" (1 Ahòlu lè 18:37). Angeli né dò dogbòn Johanu Baptisti tòn dali dò: "sùsù to ovi Islaeli tòn lè mè wé e na lè do Oklunò Jihwéyewhe yeton de" (Luku 1:16). Ogbèzán Elija po Johanu Baptisti tòn po yín dopolo, yé omè awe lè kédè to zùngbomè, matin onú dagbedagbe he yín ogbèzán awubò tòn de podò ma din nùdùdù sùsù he sogan hèn agbasa lodo. Yewhehó yé omè awe lè tòn tindo huhlon po Ohó Jihwéyewhe tòn he hùnzo po; yé omè awe lè wé nòte to ahòlu nukòn podò to otògán lè nukòn nado gblewhèdo ylando; yé omè awe lè wé yé sò do homékèn na yé yí vivènu do dòhò madibú. Jèzebeli gblonadan bo sò tènpón nado yí gbigbò Elija tòn, mokèdè wé Hèlodia basi titò kaka alò eton do jé Johanu Baptisti go bo sò hù i. Ovalo po zinzán Elija tòn po Johanu Baptisti tòn po yín dopolo po yénozo tòn po sòmò bò Jû lè do dò yewhenò lè po Levi lè po hlan nado kanbiò sòn Johanu Baptisti de eyín ewò wé Klisti lò kavi Eliasi (he yè nò ylö Elija to ogbè Glèki tòn mè). Johanu gblon bo dò ewò ma yín Klisti kavi Eliasi gba, sigba dò ewò wé "E dòmò, yen wé ogbè mèhe tòn to ahwádo to zùngbo mè, mì basi ali Oklunò tòn dò titegbe" (Johanu 1:23). Nugbo nugbo Johanu Baptisti wá to huhlon po gbigbò Elija tòn po mè.

Mènukunta Hopón Ma Tin

Jihwéyewhe ma nò hò nukunta gbètò tòn pón gba. Mèdepope he sogan súahò onú he é na yí sòn é si tòn sogan wàzón daho na Jihwéyewhe to Wèndagbe mè. Akué mítòn ma sogan hò huhlon po nukundagbe Jihwéyewhe tòn po gba, na ogbèzán he yè klan dovo wé Jihwéyewhe jlo na zán. Elija po Johanu Baptisti po sà yéde po ojló yeton po, yé sò yí núnina Jihwéyewhe tòn he yín dódó, lèblanu po huhlon po do basi adòkùn. Jesu dò dogbòn Johanu Baptisti tòn dali dò: "Bé eté mì tònjègbònu biò zùngbo mè nado pón? Ofán he to whinhwàn na jehòn" (Matiu 11:7). Mò ma gba, Johanu ma yín ofán he jehòn to whinhwàn gba, na yewhehó Johanu tòn he gó na gbigbò dòmèmè Jihwéyewhe tòn nòte gli ma whàngo yì de yì dòn lálá. Eyín Johanu ko yín gbètò odégbè awenò wé, gbètò lè madoko jo ohwé, azón po otò yeton lè po dai bo sò wá zùngbo mè nado sè yewhehó eton gba. Nugbo nugbo gbètò lè lò wá, ehe lò sò hén adò eton ai dò eyín yewhehódòtò gó na Gbigbò Jihwéyewhe tòn, gbètò lè na wá nado sè yewhehó eton.

Okanbiọ Jesu tòn sò vó yì nukon dogó: "dawe he yè şinyon avò wódówódó na?" Lala, to ofin ahòlu tòn ji wé yè sogan mò mèhe yè do avò wódówódó na lè te, ma yín ewò he to azón wà to ovèngle Oklunò ojijé tòn mè lè gba. Wèndagbe to jijlo dò na mèhe yí i lè ni yí yéde do sánvò sòn ayiha yeton lepo mè. "Eyín mède yiwanne aihon, owanyi otó tòn ma tin to ewò mè gba" (1 Johanu 2:15). Jesu vò okanbiọ Etòn dole dò: "yewhegán de? Mowé, yen dò hlan mi, sùsù mò húgan yewhegán de... Nugbo yen dò hlan mi,... mède ma fón he klohu Johanu Baptisti: şigba mèhe whè gbahú to ahòludu olòn tòn mè klo hú i" (Matiu 11:9,11). Ewò he whè hú to ahòludu olòn ton mè, mèdepope he yè voji nugbo nugbo dogbon Ohùn Jesu tòn dali, bò ogbèzán etòn tin kédèdi Ohó Jihwéyewhe tòn, hú Johanu Baptisti. Dogbon ehe dali Jesu dò oylò he klo po otèn otùgbigbo tòn po he mè yè zé yisenò nugbo do to tito jawu daho Jihwéyewhe tòn mè hia. Bé míwlé kédèdi yisenò to nugbonò yín hlan oylò mítòn kédèdile Jihwéyewhe to dindin to mí si do?

Plapla

Whenuena Gbigbò Oklunò tòn to hódò són onù yewhegán Isaia tòn mè, e do madotugbigbo onú aihon tòn hia mè podò le azón Wèndagbe tòn ko jlo niyania sò. Yè yí gbètò jlé do ogbè go, po otóido ogbèzán etòn tòn po jlé do vòvò nukanmè tòn go. Eyín mí yí nukun madopodo tòn do pón èn, nugbo patapata wé ohó helò. Matin owanyi po lèblanu Jihwéyewhe tòn po nado pò do ogbè podò nado whla gbètò lè, mède matin he sogan zán azán he yè na omè sògbe. Dandan wé na mí nado dò yewhehó Wèndagbe tòn po opagbe ogbè madopodo tòn po dogbon avósinsán he Jesu basi dogbon oyèsu okú Etòn tòn po fonsónkú awàngbigba Etòn tòn po dali.

Jihwéyewhe tindo núzinzán dèdovo, mèfligò Etòn lè, he E nado lá Wèndagbe pe aihon lepo mè. Wèndagbe whlèngan tòn ko hogàn to ayiha gbètò lè tòn mè, yè ko sò lá e pé gbon alihò wunmèwunmè ji sòn ojlé he mè Jesu ko heji yì olòn mè. Ogbé yisenò tòn tintan lè whè nugbo, şigba tukla jijé yeton, huhlon po oyín didi yeton po gbape aihon lepo mè. To egbé he, alihò Klisti tòn wé yín titegbe húgan, e ma yín na yisenò dopodopo kédè gba adavo na mado hihia gbètò he tin to aihon mè lepo. Omè dopodopo wé tindo alindon he na tin kakadoi, e sogan yín to olòn mè kavi to olonzò mè. Nado tindo adogbigbo dò ofininò etòn to madopodo mè na yín po Jihwéyewhe po to olòn mè, omè lò do na tindo yise to Jesu Klisti mè bò e ni sò yìn osén Etòn lè po, "mò whlèngan ma sò tin to mèdevo de; na oyín de ma tin to olòn glò he yè na mè to gbètò mè he yè nado whlèn mí gán" (Owalò Apósteli lè tòn 4:12). Dogbon ehe dali mí sogan mò le he na azón Wèndagbe tòn jlo niyania do podò le na zègè nado lá Wèndagbe tòn ko tin to okò na mèhe yí ojló Jihwéyewhe tòn do ayiha yeton mè lè do.

Ema Sò Núde, Şigba Ma Kú We

"Whenuena yen lèn olòn towe lè pón, azón aloviyeyé towe tòn lè, osùn po sunhwèlèvu lè po he hiè ko zèali dai na; etewé gbètò bò hiè do to nùflin jé e go? Podò ovi gbètò tòn, bò hiè do to didla e pón?" (Psalm 8:3,4). Yewhegán Isaia ga dòhó do azón jawu Jihwéyewhe huhlonno tòn ji podò do madogan ovi gbètò tòn ji, "dayi e go, akòta lepo taidi kùnkùn osin tòn dopo to osin tòzèn mè tòn mè, yè sò hia yé di kògudu vude to nujlenu mè; dayi e go, ewò sò to olopo lè zé di onù pèvide" (Isaia 40:15). Yè do nugbo helò hia dò gbètò yín onù pèvide to nudida Jihwéyewhe tòn lè şenşen; adavo le Jihwéyewhe ko whiwhé Ede nado doayi gbètò go, nude ma do ko tin he gbètò sogan wà nado mò nukun dagbe Mèdatò tòn gba. Şigba Jihwéyewhe ho ovi gbètò tòn lè pón, hihopón he húgan ehe gbètò lòsu tindo hlan ede. Jihwéyewhe wé hén gbètò nò ogbè. E sò yón linlèn po zinzán omè dopodopo tòn po. "Na Jihwéyewhe na hén azón lè dopodopo wá whèdida kòn, po onù whiwhlá lè dopodopo po, eyín e yín dagbe, kavi e yín yinyilan" (Yewhehódòtò 12:14). "Yen sò mò oşıo lè, pèvi po daho po, yé şite to Jihwéyewhe nukon; yè hùn owé lè dai; yè sò hùn owé devo de dai, he yín owé ogbè tòn; yè sò dawhèna oşıo lè sòn onù he yè wlan do owé lè lò mè lè mè, kédèdi azón yeton lè" (Osòhia 20:12).

Nuhe Fón Ayiha Na Mè

Eyín dò dogbon azón dagbe gbètò tòn dali wé gbètò sogan gbòn mò whlèngan, kavi eyín gbètò na dotu do alonuzón etòn go yì olòn, otóido mado ko tin; şigba yisenò nugbonò yí otùdido po otóido etòn po do tito whlèngan Jihwéyewhe tòn mè. "Dayi e go, alò OKLUNÒ tòn ma whète, bò E ma do sogan whlèn mè; mò otó Etòn ma pèn, bò e ma na do sogan sè" (Isaia 59:1). "Yen ma dòhó to nuglo, to ofi

zinvlu aihon tòn te: yen ma dò hlan okún Jakòbu tòn, dòmò, mì din mi yaya, yen OKLUNQ wè to dódó dò, yen do onú he pé hia" (Isaia 45:19). Hiè ma ko yönèn? "Hiè ma ko sè, dò Jihwéyewhe madopodo, Oklunq, Nudatò aigba pòdo lèpo tòn mò nò yón nudikò mò onú ma nò dikò nè? dòmòna zinzin etòn tòn ma tin. E to huhlòn na mèhe núšikònà lè; bo sò do huhlòn e ji na Ewò he ma do huhlòn lè. Yèdò onú na şikònà dèpè lè, yòpò sunnu lè na jai gbidibidi. Sigba mèhe nòtepón Oklunq lè na vò huhlòn yetòn jlado; yé na yí awà do hè aga di akùn; yé na doweziùn, onú ma na dikònà yé; yé na zinzonlin, bo ma na yón nudikò" (Isaia 40:28-31). Ah! Opagbe jawu. Ah! Omè donano lè he to zonlinzin to hinhòn mè, podò to ojlor Oklunq Jihwéyewhe tòn mè. Nawè gbètò sògan gbé oylò Wèndagbe Oklunq tòn he gó na jawu do le?

OKANBIQ LÈ

1. Aliho tewè yewhegán lò gbòn do dopagbe awubò tòn na Islaelivi lè podò na Jelusalem?
2. Mènu wè: "Ogbè mèhe tòn to ahwádo to zùngbo mè"?
3. Nawè ogbè he to ahwádo to zùngbo mè do sògbe hé Jesu po titò Wèndagbe tòn po do?
4. Otadena tewè yè basi dogbòn ogbèzán gli gbètòvì tòn dali to oplón he mè?
5. Etewutu e do yín titegbe na gbètò nado yí gbèzán etòn do sèn Jihwéyewhe whenuena e tin to ogbè?
6. Etewè otadena ohó he lò tòn "Ganhunupo" kavi "huhlònno madopodo"?
7. Dò oweñò nè lè to oplòn he mè he dohia dò Jihwéyewhe mítòn yín "Huwlònno madopodo".
8. Etè go wè yè jlè akòta lè do to Jihwéyewhe nukòn?
9. Opagbe tewè yè do na mèhe dotudo Jihwéyewhe go lè?